



Inatsisartuni ilaasortaq,  
Simigaaq Heilmann, Demokraatit

2. marts 2020  
Sags nr. 2020-3568

Postboks 1601  
3900 Nuuk  
Tlf. (+299) 34 68 00  
E-mail: isiin@nanoq.gl  
www.naalakkersuisut.gl

**Apeqquteqaatinut § 37 tunngavigalugu saqqummiunneqartunut nr. 34/2020 -  
imiittunut suliffissaarunnermi pilersuisunut ikiorsiissutini pineqaatissiisarneq  
pillugu**

Inatsisartut suleriaasianni § 37 naapertorlugu apeqqutinik ataanikittunik  
Naalakkersuisunut saqqummiussaqaqputit, taakkualu matumuuna  
akissuteqaqfigineqarput:

**1. 1. Qanoq aammalu qanoq annertutigisumik Suliffeerunnermi ikiorsiissutit  
pillugit inatsisartut inatsisaat nr. 2, 15. maj 2014-imeersumi, §13 imm. 4-imi  
pineqaatissiinermut periarfissat kommuunini atorineqartarnersut  
Naalakkersuisut paasissutissaqarpat?**

Akissut: Atugarissaarneq pillugu Nunamut Tamarmut Ilisimatusarfiup  
Nalilersuisarfiullu (VIVE) 2019-imi Majoriaq pillugu nalilersuineq suliaraa,  
nalunaarusiaq taanna Inatsisartunut UKA2019-imi agguanneqarpoq.  
Nalunaarusiami qupperneq 78: ” [VIVE] pisortanut apeqquteqarsimavoq qanoq  
annertutigisumik sulianik ingerlatsisut Majoriami pineqaatissiisarneq  
suliffissaaleqisunut pisussaaffimminnik naammassinninngitsunut atortarneraat  
pillugu. 60 pct.-it oqarput tamanna assut akuttunngitsumik imaluunniit  
akuttunngitsumik pisartoq, 33 pct.-it oqarput ilaannikkut, 6 pct.-iinnaallu (inuk  
ataaseq) oqarlutik qaqutigut. Pineqaatissiisarneq taamaasilluni annertuumik  
suliffissaaleqisunut malittarisassanik malinninngitsunut atugaavoq.”

**2. Qanoq aammalu qanoq annertutigisumik Pisortanit ikiorsiissutit  
tunniunneqartarnerat pillugu, iliusissatut pilersaarutit, sulisinnaassuseq il.il.  
pillugit Namminersornerullutik Oqartussat nalunaarutaat nr. 4, 15. marts 2007-  
imeersumi § 6 imm. 2-mi pineqaatissiinermut periarfissat kommuunini  
atorineqartarnersut Naalakkersuisut paasissutissaqarpat?**

Akissut: Pisortanit ikiorsiissutit Isumaginninnermut aamma Inatsisinik Atortitsinnermut Naalackersuisoqarfiup ataani oqartussaaffigineqarput, taakkualu imatut ilisimatitsipput: "Isumaginninnermut Inatsisinillu Atortitsinnermut Naalackersuisoqarfik tigussaasunik aalajangersimasunik paasissutissaateqanngilaq qanoq annertutigisumik kommunit pineqaatissiisuteqartarneri pillugit, unioqqutitsinerni Pisortanit ikiorsiissutit tunniunneqartarnerat pillugu, iliuusissatut pilersaarutit, sulisinnaassuseq il.il. pillugit Namminersornerullutik Oqartussat nalunaarutaat nr. 4, 15. marts 2007-imeersumut tunngatillugu."

### **3. Naalackersuisut suliamut allanik soqutiginaatilinnik paasissutissaqarpat?**

Isumaginninnermut Inatsisinillu Atortitsinnermut Naalackersuisoqarfik ima paasissutissiivoq: Isumaginninnermut Inatsisinillu Atortitsinnermut Naalackersuisoqarfiup naatsorsuutigaa Siusinaartumik soraarnerussutisiaqartarnek pillugu Nalilersuineramik piffissami aggersumi saqqummiussaqaarnissi. Tassani Naalackersuisoqarfiup ilaatigut missuiffigisimavai kommunit pineqaatissiisarnerni periarfissanik atuisarneri siusinnaartumik soraarnerussutisiaqartunut tunngatillugu aamma siusinnaartumik soraarnerussutisiaqalernissamut qinnuteqartut sulinissamut piareersimasussaanerannut tunngatillugu. Nalilersuineramik nalunaarusiami allaaserineqarput kommunit atortangikkaat pineqaatissiisinnaanernik periarfissat siusinaartumik soraarnerussutisiaqartunut aammalu siusinnaartumik soraarnerussutisiaqalernissamut qinnuteqartunut pisortanit ikiorsiissutinik pisartaqartunut, pisussaaffigisamittut annertutigisumik. Taamaattorli kisitsisinik paasissutissanik peqanngimmat ajornartorsiut qanoq annertutiginersoq oqaatigiuminaappoq. Aamma ajornarpoq eqikkaassalluni qanoq annertutigisumik siusinaartumik soraarnerussutisiaqalernissamik qinnuteqartut pisortanit ikiorsiissutinik pisartaqartut sinniisuunersut pisortanit ikiorsiissutinik pisartagalinnut allanut.

Ilanngullugulu innersuussisoqassaaq UKA2019/37-imut – Siunnersuummut apeqquteqaammik tunngavilimmik oqallisissiamut, qanoq qularnaarsinnaaneripput innuttaasut sulisinnaasut isumaginninnikkut ikiorsiissutinik pisartagaqartannginnissaat inuiaqatigiinnut sulinermikkut tunniussaqaaratik.

Inussiarnersumik Inuulluaqqusillunga  
Med venlig hilsen

  
Jess Svane